


DEL DOTTOR SIGNOR GIUSEPPE DI GENNARO.



LUSUS PISCATORIUS.

DUm procul a curis, quarum sub mole laboras
 Mens addicta Foro, studiisque assueta clientum,
 Sole sub aestivo me non ignava sequentem
 Otia Pausilypi colles, & saxa tenebant;
 Ludit ubi facilis, quae spirat leniter, aura,
 Umbrosaeque virent platani, ac depicta jocosas
 Ripa coronat aquas, ridetque salubrior aër.
 Heic populi undantis clamorem oblitus, amicâ
 Pace fruor molli in tumulto, quem fecerat alga;
 Grataque piscandi subeuntem munera Pubem
 Proximus intueor, cujus pars aequora lustrat
 Exiguo in lembo, immittit pars retia ponto,
 Retia pars immissa trahit, pars propter arenas
 Aut legit, aut lectas componit in orbe rudentes,
 Et fallit duros cantuque, jocisque labores.
 Nec minus a pueris duco mea gaudia, saltu
 Qui sese librant nudato corpore in undas,
 Et modo subter aquas se condunt, & modo supra
 Emer-

Emergunt, agitantque hac illac motibus aequor.

*Cum subito ecce tibi plausu sonnere Profundi
Concava saxa, novo visum fulgescere Caelum
Sidere, & insolito vestiri lumine colles,
Pausilypique jugum, Mergellinaeque recessus,
Et Megarae turres, & Olympica littora, & almus
Sebethus pater, & geminâ cervice Vesaeus,
(Quae loca tam belle nitidam Cratera coronant)
Festivos referunt festivâ in imagine vultus:*

*Portenti quae causa? laet, miramur, & unde
Orta mari extemplo miracula? quaerimus omnes.
Rem Triton aperit (Tritoni pandere cura est
AEquoreo in regno patriae Syrenis honores),
Hic concham laetâ appositam prae insat, & inde
Littoris hospitibus Nymphis, Geniisque locorum,
Neptunoque patri; laetis connubia pompis
Excipite, o, inquit, vitrei sacra Numina Ponti:
Jam jam gaudet ovans ADRIANO Coniuge Virgo,
Qui Patriae splendor, nostri qui gloria saeculi est,
Quique CARAEAE superat praeconia gentis,
Exurgitque inter titulos sublimis avitos,
Qualis Apollineo laurus gratissima ferto
Aut Pimphae ad fontem, aut Peneia littora circum
Ulmorum in medio sese fert alta sub auras.
Ergo juvat plausus cumulare, ac fausta precari*
Omi-

*Omina, festivisque opplere his vocibus undas,
Vivite felicem Vir, Sponsaque vivite vitam.*

*Nec mora: Convenere simul, qua parte marinos
Concha dabat sonitus, Nympharum exercitus omnis,
Lutea Cymodoce, Thetis aërea, candida Doris,
Atque aliae, formâ egregiae, nitidaeque papillis,
Nudae humeros, agilesque pedes, & crinē soluto,
(Ut decet, ac pelagi mos obtinet) inde moventes
Ad numerum gressus, exercentesque choreas
Tritonis roseo fundebant carmina ab ore,
Vivite felicem Vir, Sponsaque vivite vitam.*

*Venit & ipse etiam magnus Regnator aquarum,
Muscosas inter senior se extollere cautes
Visus, arundineo frontem velatus amictu,
AEquoreisque investus equis, quem millia Divâni,
Tyrrenum quos marmor habet, comitantur euntem;
Atque choros Nympharum inter, sua caeruleus Rex
Subnectit, socio Divorum murmure, vota,
Vivite felicem Vir, Sponsaque vivite vitam.*

*Tum Piscatores tacito spectacula vultu
Aspiciunt, gressum retrahunt, ac coepta morantur,
Suspenduntque operi dextram, nutuque loquaci
Hunc ille, hic illum spectat, dehinc ora resolvunt
In cantus; & nos sic sic cantabimus, ajunt:
Vivite felicem Vir, Sponsaque vivite vitam.*

Inte-

*Interea dum tantus habet falsa aequora plausus,
 Ipse solo recubans mecum una gratulor, & si
 Forte licet, votis vota haec communibus addo,
 Ut tanto surgat generoso e germine Proles,
 Par Sponsae atque Viro, & Majorum nominis haeres,
 Nobilissimæ decus, ejus virtutibus amplam
 Fata viam sternant, & honorum culmina monstrent
 Ardua, semper io angustis calcanda trophaeis;
 Quo longum valeat protendere gesta Parentum,
 Heroumque augere chorum, & felicibus ausis
 Venturum Patriae Fastos ditare per aevum.
 Haec spero; ne spem, Superi, frustrate; secundis
 Hanc precor auspiciis, vultaque fovete sereno.*

